



~~C7824~~

Ud 5368

2^o



Brno 5368 22 (1-14)

10
ARGONAVTICON
NVPTIALE

ILLVSTRISSIMO SPONSO,
IOANNI
DE BNIN

OPALENSKI
CAPITANEO SREMENSI,

ILLVSTRISSIMÆ SPONSÆ
TERESIÆ CONSTANTIÆ,
KONARZEWSKA.

AVREAM ÆTATEM,

Aureâ semper Heroum NAVI,

BONIS SIDERIBVS,

SECVNDISSIMIS FLVMINIBVS,

In Spes Sarmatiæ sine naufragio Fortunatas,

AB ALTO

Sanguinis, Virtutis, & Honoris

PROVEHENTI,

D. D.

Interpres Publici Gaudii PALLAS KONARSCIANA
In Collegio. Polnañ. Societatis IESV.

Anno Regis Seculorum,

M. DC. LXXXII.

Handwritten signatures and notes at the bottom of the page.

ALTER erit nunc Tiphys, & ALTERA quæ
vehet ARGO.



Flumina jam Lactis, jam Flumina nectaris ibunt.

1377551



REfode quam tumulâsti spem Po-
lone. Assurgit è tumulis etiam, fortuna, si
animus spe meliori non concidat: Thaumaturgum scilicet bonæ spei Promontorium
est, ad quod si per Mare, etiam mortuum
appellas vel adrepas, portum felicitatis, vi-
tamq; invenisti. Nascuntur è cineribus Phænices, quos jam
suum fatum parentali insepelivit rogo, *ut finirent in odoribus ærum.*
Non solius tamen hæc Arabiæ felicitâs est. Tibi quoq; Pa-
tritria Aquila Assyriæ Alitis ominatur gloriam, *ut post funera viros*
superstes, & quod jam spei inhumandæ bustum posueras pa-
rentale, *cumulum prætexens pretiosa fronde Sabaum,* in triumphales in-
staures componasq; pyras ac Obeliscos, ut orbis dubitet atto-
nitus, natane an renata Tibi fortuna sit? in quam *nec stamina Par-*
ca dura legunt nec jus habuere nocendi melioris auræ spe, animatam.

Fateor excussam nobis tanto bellorum tumultu bene spe-
randi mentem: ubi inter hostilia ferocientis Gradivi tonitrua
ferreum tantummodo expectare nobis & horrere licuit nim-
bum, qui in Vulcanium concreveret seculum. Haussit auri
sacra fames avaro absorptam hiatu, illam, quæ per somnum
etiam gratam fabulosæ Pœsi, tulit plaudendi materiem, plu-
viam, quam natâ Pallade aureis depluit cum cataractis cæ-
lum: nobis Polonus Vistula scuta, virum, galeasq; natus volve-
re, solas ferri glomerat saburras, auro, Gangi Hebroq; com-
misso, quo dives, Eridanos tenuit. Videas nonnisi arma stre-
pere per clima Polonum, & commisto cum aère nimbo,
grandines pluerre ferreas. Ictu reboante tormentorum con-
cussa tellus ejaculatur enses, sub armorum mole trepida, arma
egerit. Casibus stamus & ruina propellente resistimus fu-

22

rori.

mpa

pulchrum est Spahosum templum

rori, ne extremum in præcipitium mente plantâq; concidamus. Vivimus continuis innutriti bellorum ærumnis, ut alibi hospitari, in Polonia domesticam metari stationem Mars ferreus videatur. Crederem non immeritò, Aquilam per Gentilias Polonorum. Ceras volitare, ubi exautoratâ aureæ pacis malaciâ inter æreas ferreasq; tormentorum grandines ac tempestates commistus nitrato pulveri àer, fragore concutit omnia, non Iove sed hac administrâ fulminante. Ruunt urbes & oppida, & everfis turribus campi annuunt, neve hanc ruinam timere videantur vel vitare, ipsa in casum properant. Quasi quærerent sibi tumulos, ut barbarorum protrita ungu-
lis fastigia, meliùs ex abdito, ultori cælo cultum impendant reclinata vectigalem. Eò demum ventum est, ut non satis nobis fuerit, alienâ ferream servitutem cudi tyrannide. Ipsi in mutuam nostrum conspiravimus Vulcaniam, probaturi utrum pares haberemus summis casibus vires. Et cum hostis nobis deesset, intra viscera Civium eotem quæsimus, quæ nostram hebetaret vel acueret aciem gladiatorum. Hic demum sub Civili ingemuimus ferro Poloni, cum *fraterna acies Lechicis decertata odiis*, acrius nobis intulit vulnus, quàm ut Hypocritica mederi ars possit eicatrici. Exterorum nobis chalybs, nihil præter terrorem tulit, qui viros etiam Heròesq; petit, nec enervat mentè quassatos solidâ. Ad Svetici Thraciq; Martis impetum nec de animo nec de viribus concidimus securi victoriæ dum animi. Sed ubi propriis perire placuit vulneribus, sub tam ferreæ calamitatis pondere, Hercules etiam sudavit labor, nostra vix non succubuit magnanimitas. Tum auream vili pretio sanguinis vendidimus an amisimus ætatem, cum discordi animorum certamine in crudam & Siculis vix natam caminis, cervices liberas vocavimus, an traximus incudem.

Sed jamne quod cudimus, nulla refinget ætas ferrum? nec quæ Saturnus Latio intulerat tempora, in Lechicum quisquam revocabit clima? Credetis? *Vna salus victis, unam sperare salutem.* Nondum auream inferte sepulchris Poloni fortunam.

tunam. Surget quæ occidit, alterno in orbem reditura cursu, & quam rubigo ferri exedit gloriam, domabit pacis pulvere ætas aurea. *Nempe vesper vespere truditur, qui nunc deterior nunc melior subit: Anni nubibus insident, quas ad momenta sudum serenumque cælum miscet, & variat.*

Vehit, quam Siticulosis jam Oceani mersam credidimus procellis, pro Cæsaris fortuna, ætatem auream, Argo OPALENIA. Quæ dum per Illustria KONARZEVIANÆ Domus provehitur Fulmina; Colchicum petit littus, ut hinc aureum velus efferat, quod excusso ferri stridore grata tinniat auribus harmoniâ.

Iactet se suo Hesperus Pactolo, qui dum aureis radiat arenis, occasus audire desit, meridiei similior, qui tam splendide aurato nitore coruscat, ut humano livori palpebram everberet, ne liberam intorqueat aciem, quin vindice lacrymâ audaciam eluat. Jam tandem & nobis Polonus Vistula post fluctus ferreos in Novam diffluet Chersonesum: dum OPALENIA Ratis per Gentilitium KONARZEVIORVM KORCZAK, felici provecta remigio, Sarmaticos pollicetur Ganges. Maxime cum Ternioni fluminum cælestes favent Planetæ, cui *cum rutilo cognatum vertice sidus* impendet, aureas lippienti oculo monstrat arenas. Et quasi adhuc scoriam radiis ignescentibus excoquere sit necesse, accenditur, ut in lucem protrahat, quæ latuit, sortem auream, ac ætatem.

Favete Vati Heliconis Deæ. Cortinâ verius oraculum est, indubia spes Lechiæ non in herba plantata, quam Coronatæ lauris palmisq; provehunt Carinæ. *Iam redit & Virgo, redeunt Saturnia regna cum eliquata ad KONARZEVII fideris ignes cruditas ferri ac Cyclopum, blandior sereniorq; inter Hymenæi faces, aurei seculi affulget nitor: quo duce,*

Non galeæ, non ensis erit, sine militis usu:

Mollia securæ peragent ast otia gentes.

Vos astra cytharæq; Phæbi vota plausu animate secundo.

Adhuc



Dhucne sero verbera, Mulciber,
 Percellis aures? Ecquid inutili,
 Brontesq; defessusq; longò,
 In siculis, Steropes, caminis
 Instat labori? Jam solito manus,
 Tandem quiescat libera pondere,
 Armosq; lassatumq; pectus
 Lemniacis placidus reponat
 Sopor cavernis. Ferrea, quid iuvat,
 Orbi Polono, cedere secula;
 Longoq; detritis ab usu,
 E solido dare fulcra ferro?
 Eheu cruenti jam chalybis satur,
 Evasit orbis! Sed pretiosius
 Sitiq; productaq; longum,
 Quando fami dabitur metallum;
 Quo Musa tendis? frana loquacibus
 Impone votis? Argo OPALENIA
 Littus momordit, & rebelles
 Nerèidum superasse vires
 Gaudet, re-vecta merce beator,
 Jam vota complet. Fulget ut aurea
 Aetas, & e puppi, renidens,
 Sarmatia speculatur agros!
 Videtis? An me ludit amabilis
 Imago prora? jam videor sacros
 Audire plausus, & frementes,
 Ad patrium resonare litus
 Laudum catervas? Hinc Lechia celer
 Ales, carina, pronior imminet:
 Proramq; malumq; & virenti
 Remigium religat corona
 Hinc gratulantum turba Quiritium
 Latam sonord carmine personat,
 Festoq; votorum tumultu
 Caruleum per inane, lenes,

Fatigat

Fatigat auroras? Inde cadentibus,
 Erectus undis Istula, marginem,
 Ultra perosus, totus ardet
 Emerita dare colla puppi.
 Nec Varta, motos, segnius expedit
 In vota fluctus? mulcet amabili
 Et ille Lympharum susurro,
 OPALENIAE pretium carina.
 Absiste plectrum? Pierio satis
 Datum calori! Tu digitos lyra
 Appone, laxatumq; tende
 Ad numeros Hymenae nervum.



Neque furorem hunc quispiam crediderit, aut somnium e bicipiti Parnasso entheatum. Pronum aetatem in auream caelum, coronat praefagia, quae Camoenae pollicentur. Tenemus gaudia, quorum desiderii tenebamur, nec ultra quaeremus, quae tot annorum gemitu querebamur. Licebit jam longa pacis tædia, supino Polonis edormire in otio, cum sopitis Cyclosum malleis, Mulciber siculos extinxit focos, ne amicum ictu inquieto soporem, laceffant. Venit aetas OPALENIA deducta oneraria, ubi non acies, non ira furet, non bella, nec enses immiti serous provocet arte faber. Dedere praefagium aetatis aureae, Illustrissima tot Praecessorum nomina. Rivum e fonte metiamur, fructum ex arbore. Nunquam in altum honorum meritorumq; pro-vecta Gentilitia eorum Navis, quin Poloniae, Augustas ferret opes, in Illustrissimo MATTHIA Palatino Posnaniensi, Generali Majoris Poloniae: cui timendum fuerat ne aureo gravis spolio Ratis, mergeretur, nisi in Regia partiretur fortunam aëria. Tum demum se munificum ratus, ubi etiam in Reges fuisset liberalis, soles illustrando, quibus in minora sidera suum mutuari lumen est solenne. Crederem nihil in eo praeter aurum fuisse. Auream sortitus mentem quam Regibus inspirat Plato, etiam securis MATTHIAE ferreas non est passus,

ne

ne Midâ felicior esset, si aliquid manu tractaret, quod non aurum fieret. ANDREÆ Episcopi Posnaniensis pietas, quod ad rogos Heterodoxorum flagravat ardentius, eò magis polliceridum excoquere poterat ætatem auream. Tunc

Pæna metusq; aberant, nec verba minacia fixo

Ære ligabantur, nec supplex turba timebat

Iudicis ora sui:

Vbi in tot auream impendit manum Asyla, quo sacras erexit Majori Poloniæ ædes. In PETRO Castellano Gnesnen si nihil non aureum suspexit Lechia, præter ferream petrâq; solidiorem magnanimitatem. Aurei oris Chrysoptomum credebamus, sive ad Vaticana folia, sive ad Cæsareos thronos suspeximus Oratorem.

Flumina tum lactis, flumina nectaris ibant,

Flavaque de viridi stillabant ilice mella:

dum ille orbis Poloni Nestor, tot diserta Eloquentiæ flumina, sive Tyberi, sive Albi Istroque infudit. Ex Illustrissimo ANDREÆ supremi Regni Mareschalci Scipione, quis non auream refingere potuit ætatem vel meriri:

Ver erat æternum, placidiq; tepentibus auris:

Mulcebant Zephyri natos sine semine flores.

Cum tepesacta ad igneum illius amorem patriæ, discordiarum animorum glacie, Campestri textam è flore, quia Poloniam Coronam, in medio rebellium æstu, an Autumno, vertici Stephani Bathoræi imposuit, Pomumq; aureum plantavit manibus, ut præcesset Rex, tot Regibus quot Polonis, Arcus triumphales non Turres Posnagensisti, dum iterum ANDREAS triumphali te sua signabat cruce Antistes, cuius signo nove rat vincere Constantinus. *Iamq; nocens ferrum ferroq; nocentior ira desit.*

Iam bella exdesq; cessarunt, ubi sub triumphali hoc Pastoris Crucigeri quia ANDREÆ nomine ipsam stygem vincere potueras. Et quamvis Illustrissimus LVCAS tot annis in Polono campo, dum ter gemina Regum aula sudaverit, ætatis tamen aureæ nomen non amisit. Mox etiam tum

tellus fruges inarata ferebat

Nec renovatus ager gravidis canebat aristis, ma-

maximè cum Fraternali CHRISTOPHORI Posnaniensis Palatini post sua fata suppetiæ, illius cæptam promovère gloriam, qui non contentus sponte sua crescentibus palmis, ab Oratoria etiam derivavit dictione Laureas, eoq; Tullianâ evasit facundia ut non Rosas sed Lilia loqueretur, cum in Galliam Legatus, VLADISLAI IV. Paranympum ageret, verius Cynem non urbes sed animum LVDOVICÆ expugnantem. Taceo & alterum vere secundum, Illustrissimum LVCAM Curia Regni Mareschalcum, in quem cum

Pallas sua dona tulit nec paupere dextra

Dives Apollo sua

quidni tantis capacem thesauris animum, ærarium credam, in quo tam Augusta, recondi deposita potuerant, ad ferreæ ætatis egestatem; ne ære strideret, quam tam magnificæ opes animi OPALENI, ditarent copiose. PETRO Palatino Calisieni debet auream ætatem Polonia, ferream habitura, nisi Svetici Leonis unguibus discerpendam ejus Aquilam, in Silesiticis primum limitibus mox in Holsatia vindicasset.

Vestra Illustrissime sive Infulatis CVLMENSIS Tiaræ honoribus, sive BRESTENSIS magniq; Majoris Poloniæ Generalis subellio, sive Senatoria LANCICIENSIS Palatinatus Curuli, sive Capitaneatu OSIECENSI, OPALENIORVM Quaternio, taceo decora. Tributaria magnis mentibus gloria est, taciurnitas. Plus impendam honori vestro elogii, si admiratione sola & silentio, quo magna coli solent venerabor. Erubescit dum spirat viva, utinam quam diutissime, *collecta castigata modestia frontis* elogium: ergo teneo calamum vestro honori obligatum. Dicent secula me tacente, quod præ oculis sine pagina legunt: gloriam sortemq; Poloniæ, vestra servari Rate & consiliis, nec aliter ad bonæ spei promontorium, appellere posse, nisi vobis Palynuris.

Tuo tamen honori à magnis quos calamus attigit, nec satis complexa cepit pagina, Præcessoribus, non degener Sanguis Illustrissime IOANNES OPALENSKI Capitaneæ Sremensis injurius forem, si tacerem. Publica plaudentium Posnæ gaudi-

diorum necessitas, linguam calamumq; rapit, nec invitum.
Loquacissima res est Platoni, miser: mihi diserta felicitas, quam
Nuptiale Celeusma Argo Tuæ, in KONARZEVIANVM prove-
ctæ Fluviorum Ternionem imperat, ut facunda sit, non tam in
elogia Tua, quibus se fatetur imparem, quam in auguria.
Auream Majores Tui vexere ætatem Lechiæ: par à te speran-
da. Non ita sanguinem nempe à Præcessoribus derivasti ut
virtutem nativo jure non hereditas. Intaminatæ pulvere glo-
riæ erades, quidquid turpi squalet sub rubigine ferri. Audi-
mus pro pudor Poloni! nostræ degeneres gloriæ, foci non
campo nati Hectores. Irrupit, nostrum, ut olim ferreo seculo
venæ pejoris in ævum

Omne nefas, fugere pudor rectumq; fidesq;
In quorum subiere locum fraudesq; doliq;
tam horridam vitiorum maculam iis quibus innatas KONA-
RZEVIORVM immerges undis, meliori qua tumet Navis OPA-
LENIA merce, ditando patriam, ut redeat ætas: *quæ vindice nullo*

Sponte sua sine lege fidem rectumq; colebat
Marte tamen non exuo bello natam indolem dum ferreo
seculo. Ibis per magnorum vestigia Heroum inter Martia-
les Hectorum animas par Hercules: sed etiam tum dum fer-
ro tumulos effodis hostibus, aureum scrutaberis metallum,
quo nominis immortalitatem merceris Poloniae. Attollet te
ad alta honorum fastigia meritorum magnitudo: Non alio
passu animoq; hæc scandes juga ac culmina, quam ut aureas
rimeris venas quibus seculi duritiem in auream recudas for-
tunam.

Ergo vota coronet cælum & omina. Vaticinia com-
ple factis. Provehere fortunato cum Gentilitia Argo Tua,
& quæ jam per Rheni Tyberisq; alveos Tuam circumtulit
nominis maiestatem: per KONARZEVIANVM vela expandat
KORCZAK, & ubi beatam aurei seculi diu provexerit felici-
tatem serò æternitatis contingat portum.

Non



Non sola fortes exstimulat viros
Achillis ausu Parma beator,
Trojâq; subversa còactum,
Ante rates trahit ad Tribunal.

Nec sola justum calica Indicem
Pescunt Dearum jurgia Dardanum,
Num lecta de tribus, petitem
Obtineat Cytherea pomum.

Et nata calis Argo OPALENIA,
Imperviorum, nomina Fluminum,
Vastiq; Majores profundi
In similes animavit ausus,

Diemq; dixit, quâ dubiam Ratem
Committat uni, Nereus arbiter,
Mentesq; per diversa raptas
Purpureo revocet Senatu.

Non unus amnis vult OPALENIAM
Portasse Proram, quisq; sibi decus
Exambit Argo, unumq; cunctos
Sollicitat studium petendi.

Hinc surgit audax, nec patiens mora,
Musis Sacratum Flumen, Apollinis
Svadâ beatum, cui virescens
Cæsariem religavit herba,

Et sic prealto non sine murmure.
Præcepta laudum munera non feram
Princeps profundi: nec repulsam
Fatidici meruere fontes.

Phæbo sacratas Prora OPALENIA
Oberret undas, quæ modo Palladem
Doctamq; cum Musis Minervam
Portat onus, Latiiq; svadam.

Hanc dives Hebrus, Lydius hanc sibi
Evincit Hermus, prodigus aureo,
Gangesq; Pactolusq; fundo,
NAVIS opes sibi destinari

Per

Per vota poscunt. Nereidum chorus
Jam se quietis fluctibus erigit
Celsam reducturus Carinam
Per Patriæ maria alta fama.
Hanc æstuantis Marte ferocior
Et purpuratis decolor imbribus,
Gradive cui supplex fluenta,
Et calidi gravis ensis ira.
Invitat ultro, mulcet & horridos
Erythra fluctus. Digna vehi meis,
Finxere quam Divi Carina,
Calituum monumenta, rivis;
Que nota Marti pectora de vehis
Non parca fusi sanguinis hostium,
Per bella Marvortas timendi,
Quem valido petiere ab ense.
Claro trophæis. Ergo meis ait
Deberis undis, Te vel in arduo
Mars Tiphys excubans forebit
Sanguineis volitantem in undis.
Ardor Quirites hic tenuit. nisi
Pater minorum Vistula fluminum
Erectus ex urna, Senatam
Grandiloquo tenuisset ore,
Quo vota longis distrahimus viis?
Sunt & Lecheis finibus aurea
Tagi procelle, non Hydaspes
Ditior est, potiore nunquam.
Hermus metallo fluxit, & aureo
Inaurat ictu littora; ab annibus
Hæc gaza KONARZEWSKIANIS
Diluvio locupletiore
Terras inundat: Nos rapit abveus
Bino retentus littore; triplici
Ex anne KONARZEWSKIORVM
Aurea deproperatur ætas.

Primus

Primus Patrivo nomine grandior,
Centum serenis per populos fluit
Ceris avorum, perq; regna
Magnanimum genus ampla defert.
At pulchra Virtus, Candor, & Indoles
Mentis decora, possidet alterum,
Ternusq; præcelso Tiaris
Fundit opes famulas Honori.
His his fluentis Argo OPALENIAM
Mandemus inquit. Numina Vistula
Cessere dictis; mox remota
Plausibus intonare ripa,
Votisq; plaudunt littora. Cedit.
Excusa ferro tempora, gemmeum
Dum Prora KONARZEWSKIORVM,
Tergemino vehit anne seclum.

A P P L A V S V S
C E L E U M A T I C I
I L L U S T R I S S I M I S S T E M M A T I B V S.

I.

Rugifer exundet Septena per ostia Nilus;
Ter-gemina melius nat. Tua Cymba Tethi.
Quam dum propellet Zephyris Fortuna secundis,
Stella Tue prædux sit Cynosura via.

2.

Pendet OPALENIAM dum supra, stella Carinam;
Jam non Iasonium vellus, at astra vehet

3.

Olim se totis lavit Fortuna fluentis,
Hinc pretium lymphis commercuere suis
Hinc celebres volvit pretiosis fluctibus undas,
Auratoq; tumet gemmifer anne Tagus.

X

Sic

Sic KONARZEVIAE vehitur dum Tethydis Argo.
Divitis inde minor gloria Gangis erit.

4.

A Terra Fluvium, à Cælo Argo sidus habebat:
Sponsa OPALENIAE præbet utrumq; Rati.

5.

Dum triplici se Stemma freto diffundit: Et alto
Non humilis radium Syrmate stella trahit:
Ergo Ratis subeat Cælos OPALENIA: NAVI
Stella Maritali, signat in Astra viam.

6.

In vitum domuit Xerxes per vincula Pontum:
Obligat ast triplex se Tibi Sponte Tethys.

7.

Phæbe fave, velisq; Notos Submitte secundos,
Qua se se triplici flumine Cymba vehit.

8.

Divite, quas Ganges despumat littore gemmas;
Has KONARZEVIO devehat amne Ratis.



wey

132

Plant

Hist. Polon.
6. 1. 17.

23

